





唐詩紀事卷第十一

韋嗣立

趙彥伯

閻朝隱

鄭愔

沈佺期

宋之問

徐堅

盧懷慎

武平一

李行言

韋元旦

韋嗣立

九日應制云層觀遠沉沉鑾旗九日臨  
帷宮壓水岸步輦入煙岑枝上萸新採  
樽中菊始斟願陪歡樂事長與

歲時深

得深字

嗣立在省閣與岳州張使君說潭州王都督熊聯事後  
承朝譴各東西相別詩云茂先王佐才作牧楚江隈登



樓正欲賦復遇仲宣來黃鵠飛將遠雕龍文為開寧知  
昔聯事聽曲有餘哀又云昔時陪二賢纓冕會神仙一  
去馳江海相逢共播遷無因千里駕忽覩四愁篇覽諷  
歡何已歡終徒愴然

嗣立中宗時為大學士制云詞林佇秀學海資英苟非  
鴻儒孰副推擇守太府卿韋嗣立金籛襲慶玉鼎生才  
浴德澡身居忠履孝保淳懿之道綜虛明之識前言往  
行獨運襟靈健筆通文孤標望寶早昇臺閣常典樞機  
誠亮險夷政敷匡益自出入中外周旋宦遊夕郎歸其  
峻寵冬卿美其誠務官曹內殿朝野旁求宜叅右署之

榮俾接金闈之彥可修文館大學士兄承慶長壽中與  
嗣立相代為鳳閣舍人長安三年承慶代嗣立為鳳閣  
侍郎頃之又代為黃門侍郎四職相代時謂大郎罷相  
二郎拜相中宗授嗣立黃門侍郎制曰芝蘭並秀見謝  
石之階庭騏驥並驅有劉山之昆季又曰近者命於鸞  
渚已矐鴈行纔出芝扃奄歸蒿里永言荆樹坐折連枝  
眷彼常山空餘一鳥俾遷榮於皂蓋宜襲寵於黃樞  
嗣立庄在驪山鸚鵡谷中宗幸之嗣立獻食百舉及木  
器藤盤等物上封為逍遙公谷為逍遙谷原為逍遙原  
中宗留詩從臣屬和嗣立並鐫于石請張說為之序薛



稷書之李人詩略云樞掖調梅暇林園種槿初入朝榮  
劍履退食樂琴書地隱東巖石天迴北斗車旌門臨窳  
窳輦路屬扶踈沈佺期詩畧云水堂開禹膳山閣獻堯  
鍾皇鑒清居遠天文睿獎濃武平一云三光迴斗極萬  
騎肅鈞陳地若遊汾水人疑獵渭濱趙彥昭云廊廟心  
存巖壑中鑿輿矚在灞城東逍遙空有蒙莊子漢主徒  
言河上公張說序亦云嵐氣入野榛煙出谷魚潭竹岸  
松齋藥畹虹泉電射雲木虛吟恍惚疑夢間關忘術茲  
所謂丘壑夔龍衣冠巢許也

開元中嗣立自湯井還都經其龍門北溪別業忽懷驪  
山之勝嘗有詩云幽谷杜陵邊風煙別幾年偶來伊水  
曲溪嶂覺依然傍浦憐芳木尋崖愛淥泉嶺雲隨馬足  
山鳥向人前地合心俱靜言因理自玄短才叨重寄尸  
祿媿妨賢每揖掛冠侶思從初服旋稻梁仍欲報歲月  
坐空捐助岳無纖芥輸溟謝末涓還悟北轅矢方求南  
澗田時張說崔泰之崔日知在東都皆和焉先一日太  
平公主上官昭容題詩數篇故張說詩云舞鳳迎公主  
雕龍賦婕妤

趙彥伯

九日應制云九日報仙家三秋轉翠華呼鷹下鳥路戲



馬出龍沙簪掛丹萸藥杯涵紫菊花所願同微物年年  
共辟邪得花字

張直來自朔方軍中宗近之宴于桃花園應制曰紅萼  
競燃春苑曙茸茸新似御筵開長年願奉西王讌近侍  
慙無東朔才

彥伯為弘文館學士

閩朝隱

送金城公主云甥舅重親地君臣厚義鄉還將貴公主  
嫁與樛檀王鹵簿山川闊胡琴道路長迴瞻父母國日  
出在東方

人日大明宮應制云勾芒人面乘兩龍道是春神衛九  
重綵勝年年逢七日醮醮歲歲滿千鍾宮梅間雪祥光  
徧城柳含煙瑞氣濃醉倒君前情未盡願因歌舞自為  
容

宴安樂公主新宅云鳳凰鳴舞樂昌年蠟燭開花夜管  
絃半醉徐擊珊瑚樹已聞鐘漏曉聲傳

鸚鵡貓兒云鸚鵡惠鳥也猫不仁獸也飛翔其背馬啣  
啄其頤馬攀之緣之蹈之履之弄之藉之愴愴然此為  
自得彼亦以為自得畏者無所起其畏忍者無所行其  
忍抑血屬舊故之不若臣切踐太子舍人朝暮侍從預



見其事聖上方以禮樂文章爲功業朝野歡娛強梁充  
斥之輩願爲臣妾稽顙闕下者日萬計尋而天下一統  
實以爲惠可以伏不惠仁可以伏不仁亦太平非常之  
明證事恐久遠風雅所缺再拜稽首爲之篇云霹靂引  
豐隆鳴猛獸噫氣蛇吼聲鸚鵡鳥同資造化兮殊粹精  
鸚鵡毛翡翠翼鷓鴣延頸鷓鴣弄色鸚鵡鳥同稟陰陽  
兮異埏埴彼何爲兮隱隱振振此何爲兮綠衣翠襟彼  
何爲兮窘窘蠢蠢此何爲兮好貌好音彷彿兮洋洋似  
妖姬躡步兮動羅裳趨趨兮蹒蹒若處子迴眸兮登玉  
堂爰有獸也安其獸也其忍嘴其脇距其胷與之放曠

浪浪兮從從容容鈎爪踞牙也宵行晝伏無以當遇之  
兮忘味搏擊騰擲也朝飛暮噪無以拒逢之兮屏氣由  
是言之貪殘薄則智惠作貪殘臨之兮不復躍由是言  
之智惠周則貪殘囚知惠犯之兮不復憂菲形陋質雖  
賤微皇王顧遇長光輝離宮別館臨朝市妙舞繁絃雜  
宮徵嘉喜堂前景福內和歡殿上明光裏雲母屏風文  
彩合流蘇斗帳香煙起承恩宴兮接宴喜高視七頭金  
駱駝平懷五尺銅獅子國有君兮國有臣君爲主兮臣  
爲賓朝有賢兮朝有德賢爲君兮德爲飾千年萬歲兮  
心轉意



九九侍神仙高高坐半天文章二曜動氣色五星連簪  
綬趨皇極笙歌接御筵願因吹菊酒相守百年年得筵  
前詩九日應制云

中宗立春遊苑應制云管籥周移寰極裏乘輿望幸斗  
城闈草根未結青絲縷蘿萋猶垂綠帔巾鵲入巢中言  
改歲燕銜書上道宜新願得長繩繫取日光臨天子萬  
年春

送唐永昌赴東都詩云洛陽難理若琴絲推破連環定  
不疑鸚鵡鳥道長安樂回首一顧一相思

授著作郎直學士制云朝隱夜光成寶朝陽擢秀文高  
一變藝總三端承顧問於鸞掖掌圖書於麟府項屬播  
遷獲返班序方來石室分曹已叅於著述金門直事俾  
崇於伸獎可修文館直學士

朝隱字有情趙州欒城人性滑稽屬辭奇詭為武后所  
賞景龍時為著作郎先天中為秘書少監坐事貶通州  
別駕卒

鄭愔

上幸薦福寺令賦詩云舊邸三乘闕佳辰萬騎留蘭圖  
奉葉偈芝蓋拂花樓國會人王法宮還天帝遊紫雲成  
寶界白水作禪流鴈塔昌基遠鸚鵡杯睿藻抽忻承大風



曲竊預小童謳

三會寺應制詩云烏籀遺新閣龍旗訪古臺造書臣頡  
往觀跡帝羲來睿覽山川匝宸心宇宙該梵音隨駐輦  
天步接乘杯舊苑經寒露殘池問劫灰散花將捧日俱  
喜聖詞開

陪幸昭容院獻詩四首地軸樓居遠天台闕路賒何如  
遊帝宅即此對仙家座拂金壺電池搖玉酒霞無云秦  
漢隔別訪武陵花其一堯祠姑射近漢苑建章連十五  
賞知月三千桃記年鸞歌隨鳳吹鶴舞向鷓絃更覓瓊妃  
伴來過玉女泉其二宮掖賢才重山林高士難不言辭

地更有結廬歡池棟清温燠巖巖窓起沍寒幽亭有仙桂  
聖主萬春看其三槎派天上轉茅宇禁中開河鵲填橋至  
山熊避檻來庭花採菽蓐巖石步莓苔願奉蘿圖泰長

聞錦翰裁其四

陪幸長寧公主庄云門公襲漢環主第稱秦玉池架祥  
鱣宇山吹鳴鳳曲拂席薜蘿垂迴舟芰荷觸平陽妙舞  
處日暮清歌續

望春宮迎春應制云宸蹕凌高轉翠旌春樓望遠背朱  
城忽排花上遊天苑却坐雲邊看帝京百草香心初甯  
蝶千林嫩葉始藏鶯幸同微翟傾誠早願比盤根應候



榮

送金城公主云下嫁戎庭遠和親漢禮優笳聲出虜塞  
簫曲比秦樓貴主悲黃鶴征人怨紫騮皇情眷億兆割  
念俯懷柔

早朝雲端闕龍居峻宸庭鳳掖深才良寄天綽趨拜侶  
朝簪飛鳥看來影喧車識駐音重軒輕霧入洞戶落花  
侵聞有題新翰依然想舊林同聲慙卞玉謬比託韋金  
塞外三篇塞外蕭條望征人此路賒邊聲亂朔馬秋色  
引胡笳遙郭侵歸日長城帶晚霞斷蓬飛古戍連鴈聚  
寒沙海暗雲無葉山春雪作花丈夫期報主萬里獨辭

家其一荒壘三秋夕窮郊萬里平海陰凝獨樹日氣下連

營戎旆霜疑重邊裘夜更輕將軍猶轉戰都尉不成名

折柳悲春曲吹笳斷夜聲明年漢使返須築受降城其二

陽鳥南飛夜陰山北地寒漢家征戍客年歲在樓蘭玉

闕朔風起金河秋月團邊聲入鼓吹霜氣下旌干海外

歸書斷天涯旅鬢殘子卿猶奉使常向節旄看其三

惜字文靖年十七進士擢第神龍中爲中書舍人與崔

日用趙履溫李忱等託武三思權熏炙中外天下語曰

崔冉鄭亂時政冉祖也或曰初附來俊臣俊臣誅附易之

易之誅託韋庶人後附譙王卒被戮



人日侍宴大明宮云瓊殿含光映早輪玉鑿初蹕望初  
晨池開陳水仙宮麗樹發寒花禁苑新佳氣徘徊籠細  
網殘雲漸瀝染輕塵良時荷澤皆迎勝窮谷晞陽猶未  
春

哭郎著作云詩禮康成學文章賈誼才已年人得夢庚  
日鳥爲災書草藏天閣琴聲入夜臺荒階羅駁薛雲座  
滿浮埃白馬賓從散青鳥壠隧開悲涼門館下懷舊幾  
遲迴

秋閨詩云征客向輪臺幽閨寂不開音書秋鴈斷機杼  
夜蛩催虛幌風吹葉閑階露染苔自憐愁思影常共月

徘徊

唐永徽以來唱桑條歌云桑條韋也女韋也神龍時逆  
韋應之惜作桑條樂詞十首以進擢吏侍

惜樂府採蓮曲云錦楫沙棠艦羅帶石榴裙綠潭採荷  
芰清江日稍曛魚鳥爭唼喋花葉相芬氲不覺湘川暮  
菱歌處處聞

胡笳曲云漢將留邊朔遙遙歲序深誰堪牧馬思正是  
胡笳吟曲斷關山月聲悲雨雪陰傳書向蘇武陵也獨  
何心

折楊柳云青柳映紅顏黃雲蔽紫關忽聞邊使出枝葉



唐詩集卷之十一  
九  
為君攀舞腰愁欲斷春心望不還風花哀成雪羅綺亂  
班班

夜遊曲云漢室歡娛盛魏國文雅道許史多暮宿應陳  
從夜遊西園燕公子北里召王侯詎似將軍獵空嗟亭  
尉留

少年行云潁川豪橫客咸陽輕薄兒田竇方貴幸趙李  
新相知軒蓋終朝集笙竽此夜吹黃金盈篋筍白日忽  
西馳

沈佺期

陪幸太平公主南庄詩云主第山門起灞川宸遊風景

入初年鳳凰樓下交天仗烏鵲橋頭啟御筵往往花間  
逢綵石時時竹裏見紅泉今朝扈蹕平陽館不羨乘槎  
雲漢邊

九日臨渭亭云御氣幸金方憑高薦羽觴魏文頒菊蕊  
漢武賜萸房秋美銅池色晴添玉樹光年年重九慶日  
月奉天長

陪幸韋嗣立庄云台階好赤松別業對青峯郊室承三  
顧花源接九重虹旗縈秀木鳳輦拂踈筇逕直千官擁  
溪長萬騎容水堂開禹膳山閣獻堯鍾皇鑑清居遠天  
文睿獎濃巖泉他夕夢漁釣往年逢共榮丞相府偏降



逸人封

白鹿觀應制云紫鳳真人府班龍太上家天流芝蓋下  
山轉旌旄斜聖藻垂寒露仙杯落晚霞唯應問玉母桃  
作幾時花

上巳陪駕渭濱云寶馬香車清渭濱紅桃碧柳禊堂春  
皇情尚憶垂竿佐天瑞先呈捧劍人

陪幸五王宅云北闕垂旒暇南宮聽履迴天臨翔鳳轉  
恩向濯龍開蘭氣承僊帳榴花引御杯日從金穴吐雲  
是玉衣來池影搖歌席林香散舞臺不知行漏晚清蹕  
尚徘徊

安樂公主庄云皇家貴主學神仙別業初開雲漢邊山  
出盡如鳴鳳嶺池成不讓飲龍川粧樓翠幌教春住舞  
閣金鋪借日懸景從乘輿來此地稱觴獻壽樂鈞天  
人日大明宮應制云拂旦雞鳴仙衛陳憑高龍首帝庭  
春千官黼帳杯前壽百福香奩勝裏人山鳥初來猶怯  
轉林花未發已偷新天文正應韶光轉設報懸知用此  
辰

望春宮迎春應制云芳郊綠野散春晴復道離宮煙霧  
生楊柳千條花欲綻葡萄百丈蔓初繁林香酒氣元相  
入鳥嘯歌聲各自成定是風光牽宿醉來晨復得幸昆



明

晦日漼水應制云素漼接宸居青門盛枝除摘蘭喧鳳  
野浮藻溢龍漼苑蝶飛殊嬾宮鷺轉不踈景移天上入  
歌舞向儲胥

送金城公主云金榜扶丹掖銀河屬紫闈那堪將鳳女  
還似嫁烏孫玉就歌中怨珠辭掌上恩西戎非我匹明  
主至公存

錢唐永昌云洛陽舊有神明宰輦轂由來天地中餘邑  
政成何足貴因君取則四方同

早朝云閭闔連雲起巖廊拂霧開玉珂龍影度珠履鴈

行來長樂宵鐘微明光曉奏催一經推舊德五字擢英

才儼若神仙去紛從霄漢迴千春奉休曆分禁喜趨陪

曝衣篇云君不見昔日宜春太液邊披香畫閣與天連

燈華灼爍九微映香氣氤氳百和然此夜星繁河正白

人傳織女牽牛客宮中擾擾曝衣樓天上娥娥紅粉席

曝衣何許曛半黃宮中梁絳河裏碧煙上雙花伏兔夾

屏風四子盤龍擎斗帳舒羅散縠雲霧開綴玉垂珠星

漢迴朝霞散絲蓋衣架曉月分光劣鏡臺上有仙人長

命錦中看玉女迎歡繡玳瑁筵中別作春珊瑚窻裏翻

成書椒房金屋寵新流意氣嬌奢不自由漢文宜惜露



臺產晉武須燒前發表

中間疑有脫字

九日應制云御氣幸金方憑高薦羽觴魏文頒菊蓋漢

武賜萸房去鶴留歌吹歸鴻識舞行臣歡重九慶日月

奉天長

得長字

和晦日駕幸昆明池云法駕乘春轉神池象漢迴雙星

移舊石孤月隱殘灰戰鷁逢時去恩魚望幸來岸花緹

騎遶堤柳慢城開思逸橫汾唱歡流宴鎬杯微臣凋朽

質羞覩豫章材

白鹿觀應制云四郊秦漢國八水帝王都閭闔雄里閉

宮闕壯規模貫渭稱天邑含岐實奧區金門披玉館因

### 此識皇圖

主第夜宴云濯龍門外主家親鳴鳳樓中天上人自有

金杯迎甲夜還將綺席發陽春

張燕公說嘗謂佺期曰沈三兄詩須還他第一佺期字

雲卿相州人除給事中考功郎受賊劾未究會張易之

敗遂長流驩州稍遷台州錄事參軍入許召見拜起居

郎兼修文直學士侍宴為弄辭悅帝賜牙緋尋為太子

詹事開元初卒

佺期迴波詞云迴波爾時佺期流向嶺外生歸身名已蒙齒錄袍笏未復牙緋

魏建安後訖江左詩律屢變至沈約庾信以音韻相婉

附屬對精密及宋之問沈佺期又加靡麗回忌聲病約



句準篇如錦繡成文學者宗之號為沈宋語曰蘇李居前沈宋比肩謂蘇武李陵也

酬蘇味道夏晚省中云並命登仙閣分宵直禮闈太官  
供宿膳侍史護朝衣卷幔天河入開窓月露微小池殘  
暑退高樹早涼歸冠劍無時釋軒車待漏飛明朝題漢  
柱三署有光輝

和楊再思春夜宿直云西禁青春滿南端皎月微千廬  
宵駕合五夜曉鐘晞星斗橫綸閣天河度璣闈煙花章  
奏裏紛向夕郎飛

和崔正諫登秋日早朝云雞鳴朝謁滿露白禁門秋爽  
氣臨旌戟朝光映冕旒河宗來獻寶天子命焚裘獨負  
平津議言從建禮遊

巫山高云巫山高不極合沓竒狀新暗谷疑風雨陰崖  
若鬼神月明三峽曙潮滿九江春為問陽臺客應知入  
夢人此詩范攄以為佺期之作而顧陶以為張循今記  
於此

宋之問

芙蓉園應制云芙蓉秦地沼盧橘漢家園谷轉斜盤徑  
江迴曲抱源風來花自舞春入鳥能言侍宴瑤池夕歸  
途笳吹繁



三會寺應制云六飛迴玉輦雙樹謁金仙瑞鳥呈真字  
神龍吐浴泉淨心遙證果睿想獨超禪塔湧香花地山  
圍日月天梵音迎雨散空樂倚雲懸今日登仁壽長者  
法鏡圓

薦福寺應制云梵筵光聖邸遊豫覽宏規不改靈光殿  
因開功德池蓮生新步葉桂長昔攀枝湧塔天中見飛  
樓海上移聞韶三月幸觀象七星危欲識龍歸處朝來  
雲氣隨

陪遊苑遇雪云紫禁仙輿詰旦來青旗遙倚望春臺不  
知庭霰今朝落疑是林花昨夜開

錢許州宋司馬云潁郡水東流荀陳兄弟遊偏傷茲日  
遠獨向聚星州河潤在明德人康非外求當聞力為政  
遙慰我心愁

謁禹廟云夏王乘四載茲地發金符駭命終不易報功  
疇敢渝先驅惣昌會後至伏靈誅玉帛空天下衣冠照  
海隅旋聞厭黃屋更道出蒼梧林表祠轉茂山阿井詎  
枯舟遷龍負壑田變鳥芸蕪舊物森如在天威肅未殊  
玄夷屆瑤席玉女侍清都弈弈扃園邃軒軒文衛趨氣  
清連曙海雲白洗春湖猿爨有時蒼禽言長自呼靈歆  
異蒸精至樂匪笙竽茅殿今文襲梅梁古製無運遙日



崇麗業盛吞昭蘇伊昔力云盡而今功尚敷揆才非美  
箭精享愧生芻郡職昧為理邦空寧自誣下車霰已積  
攝事露行濡人隱冀多祐曷惟露薄軀

詠海云肅事祠春冥宵齋洗蒙慮雞鳴見日出鷺下觀  
濤驚地闊八荒近天迴百川澍筵端接空曲目外唯霧  
霧暖氣物象來周遊晦明互致腥匪玄享裡滌期靈煦  
的的波際禽云云島間樹安期今何在方丈茂尋路仙  
事與世隔冥搜徒已屢四明背群山遺老莫辨處內撫  
良自慨弱齡忝恩遇三入文史林兩拜神仙署雖歎出  
關遠始知臨海趣賞來空自多理勝孰能喻留楫竟何

待徙倚歲云暮

浣沙篇贈陸上人云越女顏如花越王聞浣沙國微不  
自寵獻作吳宮娃山藪半潛匿苧羅更蒙遮一行霸勾  
踐再笑傾夫差艷色奪人目効頻亦相誇一朝還舊都  
靚粧尋若耶林鳥驚入松網魚畏沈花始覺冶容妾方  
悟君心邪欽子秉幽意世人共稱嗟願言託君懷儻類  
蓬生麻家住雷門曲高閣凌飛霞淋漓翠羽帳旖旎綠  
雲車春風艷楚舞秋月綿胡笳自昔專嬌愛翫鬢惟矜  
奢達本知空寂棄彼猶泥沙永割偏執性日長黃髮牙  
携妾不障道願止妾西家



唐詩紀事卷十一  
中宗幸薦福寺獻詩云香刹中天起宸遊滿路輝乘龍  
太子去架象法王歸殿飾金人影窻搖玉女扉稍迷新  
草木遍識舊庭闈水入禪心定雲從寶思飛欲知皇劫  
遠初拂六銖衣

立春日侍宴內殿出剪綵花詩云金閣裝新杏瓊筵弄  
綺梅人間都未識天上忽先開蝶繞香絲住蜂憐艷粉  
回今年春色早應為剪刀催

陪幸公主南庄詩云青門路接鳳凰臺素澹宸遊龍騎  
來澗草自迎香輦合巖花應對御筵開文移北斗成天  
象酒近南山作壽盃此日侍臣將石去共歡明主錫金

題之問薦福寺昆明池  
及此作都為冠首

明河篇云八月涼風天氣晶萬里無雲河漢明昏見南  
樓清且淺曉落西山縱復橫洛陽城闕天中起長河夜  
夜千門裏復道連甍共蔽虧畫堂瓊戶特相宜雲母帳  
前初汎濫水晶簾外轉逶迤倬彼昭回如練白復出東  
城樓南陌南陌征人去不歸誰家今夜搗寒衣鴛鴦機  
上踈螢度烏鵲橋邊一鴈飛鴈飛螢度愁難歇坐見明  
河漸微沒明河可望不可親願得乘槎一問津更將織  
女支機石還訪成都賣卜人蓋之問求為北門學士天  
后不許故此篇有乘槎訪卜之語后見其詩謂崔融曰



吾非不知其才但以其有口過爾之問終身恥之口過齒疾

武后遊洛南龍門命從臣賦詩先成者賜以錦袍左史

東方虬詩成拜賜坐未安之問詩成文理兼美左右莫

不稱善乃就奪錦袍衣之其詞曰宿雨霽氛埃流雲度

城闕河堤柳新翠苑樹花初發洛陽花柳此時濃山水

樓臺映幾重群公拂霧朝翔鳳天子乘春幸鑿龍龍門

近出王城外羽從淋漓擁軒蓋雲蹕繞臨御水橋天衣

已入香山會山壁嶄巖斷復連清流澄澈俯伊川塔影

遙遙綠波上星龕奕奕翠微邊層巒舊長千尋木春壑

初飛日丈泉綵仗蜺旌遶香閣下輦登高望河洛東城

宮闕擬昭回南陌溝塍殊綺錯林下天香七寶臺山中

春酒萬年盃微風一起祥花落仙樂初鳴瑞鳥來鳥來

花落紛無已稱觴獻壽煙霞裏歌舞淹留景欲斜石間

猶駐五雲車鳥旗翼翼留芳草龍綺駸駸映晚花千乘

萬騎鸞輿出水靜山空嚴警蹕郊外喧喧引看人傾城

南望屬車塵罽聲引颺開黃道王氣周迴入紫宸先王

定鼎三河固寶命乘周萬物新吾皇不事瑤池樂時雨

來觀農扈春

詠省壁畫鶴詩云粉壁圖仙鶴昂藏真氣多騫飛竟不

去當是戀恩波



韋善心爲郎中善剖決之問善詩時謂戶部二妙之問  
字延清汾州人與佺期元濟媚附易之及敗貶瀧州參  
軍事逃歸復附三思景龍中諂事太平公主安樂公主  
權盛復往諧結太平深嫉之中宗將用爲中書舍人太  
平發其賊下遷越州長史賦詩流傳京師睿宗立以猶  
險盈惡詔流欽州賜死

徐堅

送金城公主云星漢下天孫車服降殊藩匣中詞易切  
馬上曲虛繁關塞移朱帳風塵照錦軒蕭聲去日遠萬  
里望河源

錢許州宋司馬云舊許星車轉神京祖帳開斷煙傷別  
坐零雨送離盃辭燕依空遶賓鴻入聽哀分携與秋氣  
日夕共悲哉

錢唐永昌赴任東都云郎官出宰赴伊瀍征傳駸駸灞  
水前此時長望新豐道携手相看共黯然

錢考功武員外學士使嵩山置舍利塔詩云伊川別騎  
灞岸分筵對三春之花月覽千里之風煙望青山兮分  
地見白雲兮在天寄愁心於樽酒愴離緒於清絃共握

手而相顧各街悽而黯然

日中  
宗時作

堅字元固西臺舍人齊晦之子善屬文曲厚楊再思每



目爲鳳閣舍人樣中宗時爲給事中明皇改麗正書院  
爲集賢院以堅克學士不爲章句之學而窮覽洽聞綿  
歷四朝以謹厚稱

送張說巡邊應制云至德撫遐荒神兵赴朔方帝思元  
帥重爰擇股肱良累相承開地深籌協子房寄崇專斧  
鉞禮備設壇塲鼙鼓喧雷電戈劔凜風霜四騏將戒道  
十乘啓先行聖錫加常錫天光曜寵光出郊開帳飲寅  
餞盛離章雨濯梅林潤風秋麥野涼燕山應勒頌麟閣  
行名揚開地  
字疑  
堅卒張說挽歌云才美臨淄北名高淮海東羽儀三省

漁獵五車通玉殿孤新榜珠英落舊叢徒存一寶劍  
何處訪徐公

盧懷慎

九日應制云時和素秋節宸豫紫機開鶴似聞琴至人  
疑宴鎬還曠望迷平野潺湲俯暝灣無因酬大德空此

魏宗班

得還  
字

懷慎靈昌人開元初與姚崇同相時譏爲伴食然能清  
儉以直道始終

武平一

駕幸溫泉詩云秦王登碣石周后襲崑崙何必在遐遠



方稱萬寓尊我皇順時豫星駕動軒轅雄騎交馳道清  
笏度國門迴輿長樂觀校獵上林園行漏移三象連營  
惣八屯旌搖鸚鵡谷騎轉鳳凰原絕壁蒼苔古靈泉碧  
溜温參差開水殿竊窳敞巖垣豐邑蹤猶在麗宮跡尚  
存煙松銜翠幄雪逕遶花源侍從推玄草文章召武賁  
深仁浹夷夏洪造溢乾坤謬忝王枚列多慙雨露恩  
景龍四年正旦賦栢樹詩云綠葉迎春綠寒枝歷歲寒  
願將栢葉壽長奉萬年歡

興慶池云鑾輿羽駕直城隈帳殿旌門此地開皎潔靈  
潭圖日月參差畫舸結樓臺波搖岸影隨橈轉風送荷  
香逐酒來願奉皇權常不極長遊雲漢幾昭迴  
白鹿觀應制云王府凌二曜金壇駐六龍綠旒懸倒景  
羽蓋偃喬松玄圃靈芝秀華池瑞液濃謬因露舜酒長  
願祝堯封

送金城公主云廣化三邊靜通烟四海安還將膝下愛  
持副域中歡聖念飛玄藻仙儀下白蘭日斜征蓋沒歸  
騎動鳴鸞

宴安樂公主新宅云王孫帝女下仙臺金榜珠簾日夜  
開遽惜瓊筵權正洽惟愁銀箭曉相催

錢唐永昌云聞君墨綬出丹墀震鳥飛來佇有期寄謝



銅街攀柳日無忘粉署握蘭時

正月八日立春內出綵花賜近臣應制云鑿輅青旂下  
帝臺東郊上苑望春來黃鶯未解林間轉紅藥先從殿  
裏開畫閣條風初變柳銀塘曲水半含苔欣逢睿藻先  
韶律更促霞觴畏景催是日中宗手勅批云平一年雖  
取少文甚警新悅紅藥之先開訝黃鶯之未轉循還吟  
咀賞嘆無懷今更賜花一枝以彰其美所賜學士花並  
令插在頭上後所賜者平一左右交插因舞蹈拜謝時  
崔日用乘酣飲欲奪平一所賜花上於簾下見之謂平  
一曰日用何為奪卿花平一跪奏曰讀書萬卷從日用

滿口虛張賜花一枝學平一終身不獲上及侍臣大笑  
因更賜酒一盃當時嘆美

中宗宴安樂公主新宅應制云紫漢秦樓敞黃山魯館  
開簪裾分上席歌舞列平臺馬既如龍至人疑學鳳來  
幸忻聯棣萼何以接鄒枚

人日西臺觀打球應制云令節重遨遊分鑣戲綵毬驂  
驪迴上苑蹀躞繞通溝影就紅塵沒光隨赭汗流賞闌  
清景暮歌舞樂時休

平一名甄以字行武后時畏禍隱嵩山中宗雖宴豫嘗  
因詩規誠然不能卓然自引去明皇時終亦被謫雖謫



而名不衰

李行言

秋晚度廢關云秦郊平舊險周德眷遺黎始聞清夜析  
俄見落封泥物色來無限津途去不迷空亭誰問馬閑  
戍但鳴雞山月寒彌淨河風曉更淒贈言楊伯起非復  
是關西

景龍中中宗引近臣宴集令各獻伎爲樂張錫爲談客  
娘舞宗晉卿舞渾脫張洽舞黃鸞杜元琰誦婆羅門呪  
行言唱駕車西河盧藏用效道士上章國子司業郭山  
輝請誦古詩兩篇誦鹿鳴蟋蟀未畢李嶠以詩有好樂

無荒之語止之行言隴西人兼文學幹事函谷關詩爲  
時所許中宗時爲給事中能唱步虛歌帝七月七日御  
兩儀殿會宴帝命爲之行言於御前長跪作二洞道士  
音詞歌數曲貌偉聲暢上頻嘆美

韋元旦

正月七日宴大明殿詩云鸞鳳旌旂曉夕陳魚龍角觝  
大明晨青韶既肇人爲日綺勝初成日作人聖藻凌雲  
裁栢賦仙歌從宴摘梅春垂旒一慶宜年酒朝野俱歡  
薦壽新

安樂公主山庄云銀河南渚帝城隅帝輦平明出九衢



刻鳳蟠螭凌桂邸穿池壘石寫蓬壺瓊簫暫下鈞天樂  
綺綴長懸明月珠仙榜承恩爭既醉方知朝野更歡娛  
望春宮迎春應制云九重樓閣半山霞四望韶陽春未  
賒侍蹕妍歌游灞浹留觴舞態出京華危萍競捧中街  
月戲鳥爭銜上苑花景色歡娛長若此承恩不醉不還  
家

送金城公主云柔遠安夷俗和親重漢年軍容旌節送  
國命錦車傳琴曲悲千里簫聲戀九天唯應西漢月來  
就掌珠圓

錢唐州高使君云桐栢膺新命芝蘭惜舊遊鳴臯夜鶴  
在遷木早鷺求傳擁淮源路罇空灞水流落花分送遠  
春色別離憂

早朝云霞維方月季宸極衆星尊佩玉朝三陟鳴珂過  
九門挈壺分早漏伏檻耀初暎北倚蒼龍闕西臨紫鳳  
垣詞庭草雖視溫室樹無言鱗翰空爲忝長懷聖主恩  
中宗立春遊苑應制云灞浹長安常近日啟正臘月早  
迎新池魚戲葉仍含凍宮女裁花已作春向苑雲疑承  
翠幄入林風若起青蘋年年斗柄東無限願挹瓊觴壽  
北辰

中宗時興慶池侍宴應制云滄池漭沆帝城邊殊勝昆



明鑿漢年夾岸旌旗疏遠道中塘簫鼓振樓船雲峯四  
起迎宸幄寶樹千重入御筵宴樂已深魚鳥詠承恩更  
欲奏甘泉

主第夜宴云主第新成雲作榜賓筵廣宴玉為樓壺觴  
既卜仙人夜歌舞疑停織女秋

元旦京兆萬年人與張易之姻屬易之敗貶感義尉舅  
陸頌妻韋后弟也元旦憑以復進終中書舍人

唐詩紀事卷第十一

唐詩紀事卷第十二

畢乾泰

辛替否

王景

韋安石

竇希玠

李咸

陸景初

鄭南金

于經野

解琬

麴瞻

樊忱

孫佺

李從遠

周利用

楊廉

張景源

李恒

以上景龍  
應制群臣

畢乾泰

慈恩寺九日應制云鸚鵡林化塔塔鳳輦順時遊重九昭  
皇慶大千揚帝休耆閣妙法闡王舍睿文流至德覃無  
極小臣歌詎酬



辛替否

慈恩寺九日應制云洪慈均動植至德俯深玄出豫從  
初地登高適梵天白雲飛御藻慧日暖皇編別有秋園  
藿長傾雨露綠

替否字協時京兆人景龍中為左拾遺以直諫遷右臺  
殿中侍御史為憲司彈擊不避強禦累遷瀕王府長史  
卒

王景

慈恩寺九日應制云玉輦移中禁珠梯覽四禪重階清  
漢接飛寶紫霄懸綴葉披天藻吹花欽御筵無因鑿

暇俱舞鶴林前

景太原人為司門員外郎萊州刺史子之咸為長安尉  
昆弟之貴之渙皆善屬文之咸之子緯有傳

常安石

九日侍宴應制云重九開秋節得一動宸儀金風飄菊  
藥玉露泫萸枝睿覽八紘外天文七曜披臨深應在即  
居高豈慮危

得枝  
字

安石京兆人久視中為相二張三思橫寵安石數折辱  
之復相中宗不附太平公主睿宗時為姜晦所劾貶黜  
發憤卒



竇希玠

九日應制云鑾輿巡上苑鳳駕瞰層城御座丹烏麗宸  
居白鶴驚玉旗紫桂葉金杯汎菊英九晨陪聖膳萬歲  
奉承明得明字

八月中宗令學士尋勝同宴於禮部尚書竇希玠林亭  
張說製序云召絲竹於伶官借池亭於貴族雕俎在席  
金羈駐門遠山片雲隔層城而即興繁鸚芳樹遶高臺  
而共樂

夏口帝幸五王第乃過希玠宅劉憲詩云北斗樞機任  
西京肺腑親李乂詩云貴遊開北第宸眷幸西鄉按希

玠武德時內史令威之後中宗時為禮書以恩澤賜實  
封開元為太子少傅世為外戚唐世貴盛莫與為比

李咸

九日應制云重陽乘令序四野開晴色日月數初并乾  
坤聖登極菊黃迎酒泛松翠凌霜直遊海難為深負山  
徒倦力得直字

陸景初

九日應制云九秋光順豫重節霽良辰登高識漢苑問  
道侍軒臣菊花浮柅鬯萸房挿綰紳聖化邊垂謚長洲  
鴻鴈賓得直字



唐詩集卷十三  
景初元初之子恬靜寡欲議論高簡景雲中與崔湜同  
知政事睿宗曰子能紹先業是謂象賢乃賜名象先

鄭南金

九日應制云重陽玉律應萬乘金輿出風起韻虞絃雲  
開吐堯日菊花浮聖酒茱香挂衰質欲知恩照多順動  
觀秋實得日

于經野

九日應制云御氣三秋節登高九曲門桂筵羅玉俎菊  
醴溢芳樽遵渚歸鴻度承雲舞鶴騫微臣濫陪賞空荷  
聖明恩得樽

經野中宗時爲戶部侍郎

中宗九日登高應制二十四人韋安石蘇瓌詩先成經  
野及盧懷慎詩後成時景龍三年也

解琬

慈恩寺九日登塔應制云瑞塔臨初地金輿幸上方空  
邊有清淨覺處無馨香雨霽微塵斂風秋定水涼茲辰  
採仙菊薦壽慶重陽

晦日宴高氏林亭云主第簪裾出玉畿春照華山亭一  
以眺城闕帶煙霞橫堤列錦帳傍浦駐香車歡娛屬晦  
節醕酌未還家



唐詩紀事卷十二  
琬魏州元城人與郭元振善習邊事守邊積二十年開  
元中終同州刺史

麴瞻

慈恩寺九日應制云扈蹕遊玄地陪仙瞰紫微似邁銖  
衣劫將同羽化飛雕戈秋日麗寶劍曉霜霏獻觴乘菊  
序長願奉天暉

樊忱

慈恩寺九日應制云淨境重陽節仙遊萬乘來插萸登  
鷲嶺把菊坐蜂臺十地祥煙合三天瑞景開秋風詞更  
遠竊抃樂康哉

孫佺

慈恩寺九日應制云應節萸芳滿初寒菊浦新龍旗燠  
辰極鳳駕儼香闥蓮并偏疑夏梅梁更若春一忻陪應  
塔還似得天身

佺麟德宰相處約之子延和初為幽州都督為奚所敗  
同周以悌見獲送默啜所殺之佺不知兵始裴懷為都  
督馭士有方朝廷以佺代之遂及敗

李從遠

慈恩寺九日應制云九月從時豫三乘為法開中霄日  
天子半座寶如來摘果珠盤獻攀萸玉輦迴願將塵露



點遙奉光明臺

周利用

慈恩寺九日應制云出豫乘金節飛文煥日宮  
黃房開聖酒杏苑被玄功塔向三天迥禪收八  
解空叨思奉蘭藉終愧洽薰風

金城公主和蕃中宗送至馬嵬群臣賦詩帝令御史大夫鄭惟忠及利用護送入蕃學士賦詩以餞徐彥伯為之序云

楊庶

九日侍宴應制云遠目瞰秦垌重陽坐灞亭既開黃菊

酒還降紫微星簫鼓諳仙曲山河入畫屏幸茲陪宴喜無以效丹青得亭字

慈恩寺九日應制云萬乘臨真境重陽眺遠空慈雲浮鴈塔定水映龍宮寶鐸含颺響仙輪帶日紅天文將瑞色輝煥滿寰中

沈佺期酬楊給事中庶見贈臺中詩云子雲推辨博公理擅詞雄始自尚書省旋聞給事中言從溫室秘籍向瑣闥通

張景源

慈恩寺九日應制云飛塔凌霄起宸遊一屆焉金壺新



唐詩紀事卷十二  
五  
泛菊寶座即披蓮就日搖香輦憑雲出梵天祥氣與佳  
色相伴雜鑪煙

李栢

慈恩寺九日應制云寶地隣丹掖香臺瞰碧雲關山江  
外出城闕樹中分睿藻蘭英秀仙杯菊蕊薰願將今日  
樂長奉聖明君

唐詩紀事卷第十二



